

Iade da Padre Pio dala Val Badia demez: an pëia ia la jöbia ai 24 d'auri, an röia incër les 18.00 a San Giovanni Rotondo. Le vëndres él mëssa y dedô Les Staziuns y domisdé van söl Monte S. Angelo, olache al sarà mëssa. Le iade derevers sarà la domënia, cun mëssa a Loreto dales 10.00. Por informaziuns y prenotaziuns: tel. 0474/520013, çina ai 17 d'auri.

Conzert: la müjiga de Badia inviëia düc al conzert en la festa de Pasca dales 20:30 te Ciasa Runcher.

Cursc de lingaz: l'Sorvisc Formaziun Val Badia mët a jì, sègn da auri y mà, chisc cursc tl Istitut Micurà de Rù:
ladin (prinzianc), **spagnol** (prinzianc) y **inglesec** (beginners, intermediate, conversation). Info y iscriziuns al nr. 0474/523110.

"Denuncia dei redditi": cun osta firma sön la "denuncia dei redditi" o söl mod.CUD podëise destiné l'0,8% ala Dlijia Catolica y cun chèsc ester de gran aiüt ala Dlijia. Dër bel giulan.

Informaziun dal Comun: l'edema che vëgn ciafarà düc i abitané dl Comun de Badia n chestionar sön la roa che é gnüda jö de dezëmber dl 2012. Le fin é chël de analisé sciöche la popolaziun à vit para chèsc evënt y sciöche la perzeziun dl risch da pert di abitané s'à mudé. I datesc che vëgn coiüs adöm dëidarà miore la gestiun dla situaziun sc'al ess ciàmò n iade da sozède de te' evënc gaujà dala natöra. Le chestionar é gnü arjigné ca dal'Academia Europea da Balsan y dal Ofize Geologia dla Provinzia Autonoma de Balsan. La colaboraziun de vignun y vignöna é dër importante, porchël Ves periunse bel de ves to diesc menüc da scri fora le chestionar. Dër bel giulan dla colaboraziun!

VANGELE dla FESTA de PASCA

Jan 20, 1-9

Le pröm dé d'edema, é Maria da Màgdala jüda da doman adora, canch'al é ciàmò scür, fora dala fossa y à odü che la pera é tuta demez dal sepolcher. Ara é saltada debota da Scimun Pire y dal discepul, a chël che Gejù ti orò bun, y ti à dit: An à tut le Signur fora de sepolcher, y i ne savun nia, olach'an l'à metü. Dailò é Pire y l'ater discepul jüs ia y fora y é rovà fora dal sepolcher; ai é saltà trami deboriada, mo deache l'ater discepul é plü asvelt co Pire, é chël rové por pröm dal sepolcher. Al s'à cufé jö y ite y à odü les fascas de lin ia por tera, mo al n'é nia jü ite.

Tratan ê incé rové adalerch Scimun Pire, che ti gnò do, y é jü ite tl sepolcher. Al à odü les fascas de lin ia por tera y la peza dal assoius che ê stada söl cé de Gejù; ara n'é nia pro les fascas de lin, mo dlungia, lobraida adöm te n post despartì. Spo é incé jü ite l'ater discepul, che é rové por pröm dan le sepolcher; al à odü y à cherdü. Ai ne capì nia ciàmò la Scritöra, che al messà pö ressori dai morc.



Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 20	Edema: 13.04. - 20.04.2014
--------	----------------------------


EDEMA SANTA



Festejé sciöche n Re



castié sciöche n malfatur



ofrí a nos sciöche spëisa



sopolí sciöche n mort



ressorí le terzo dé a vita nòia

FUNZIUNS SACRES

- 13.04. **DUMËNIA dal ORÌ dl ANN A**
09.00 *Dan Calonia*: Benedisciu dl Ori y prozesciu dl S.Mëssa cun letöra dla Pasciu
14.00 *Via Crucis (cun l'cor de dljia)*
18.00 †ta Carmela Thaler / †ti Davide y Christof
†to Lois Irsara da Reslada
- 14.04. Lünesc - *Mëssa cun i crejimà y düc i studënc*
19.30 †to Hermann Irsara dl Gran Ander
†to Antonio Palumbo / †to Tino Dapunt
- 15.04. Mertesc - *Mëssa cun l'Seniorenclub y Zelebrazium dl Öl Sant*
14.00 †ti Vijo, Angela y Paola Pizzinini
†ti dla fam. Alfarei d'Andrac
†ti Maria y Franz Irsara de Jan
- 16.04. Mercui - *Mëssa cun i scolars*
08.00 †ta Paola Valentin - otavare
†ta Amalia Alfreider Irsara - aniversar
†ta Zenzele Bertuolo - aniversar
- 17.04. **JÖBIA SANTA**
20.00 **Comemoraziun dla Cëna dl Signur**
S.Mëssa y adoraziun
22.45 *OIES: Velia d'oraziun*
- 18.04. **VËNDRES SANĆ** - *dé de jaiun y astinënza dala cërn*
15.00 **Comemoraziun dla Mort dl Signur**
cun adoraziun dla Crusc - *oferta por i püri dl monn*
- 19.04. **SABEDA SANTA**
20.00 **Velia da Pasca – Mëssa solena de Ressoraziun**
Benedisciu dl'Ega y renovaziun dl Bato
- 20.04. **FESTA de PASCA dl SIGNUR**
09.00 **Mëssa solena de Ressoraziun dl Signur**
Benedisciu dl spëises da Pasca
14.00 Öspi da Pasca
18.00 †to Sebastiano Bernardi - aniversar
†ta Clara Pescoller / †ti Paul y Emilia Pitscheider



Dala VITA dla CÛRA

Recordun che la Mëssa grana de Pasca sarà bele dales 09:00.
La corona por la defunta Paola Valentin sarà en Lünesc de Pasca dales 09:30

PREPARAZIUN por Pasca: les uniuns inviëia ala Preparaziun y Confesciu cun siur Markus Moling en lünesc dl'Edema Santa:
14:00 - **Èles** (cun oferta por la uniun), mo inçe por düc
20:00 - **Èi**, mo inçe por les èles y i atri che ne po nia domisdé.

CONFESCIUNS por PASCA:

Dumënia dal Ori	16:30 (<i>siur Degan</i>) 18:50 (<i>siur Degan</i>)
Lünesc Sanć	17:00 por i scolars
Vëndres Sanć	08:00 – 10:00 (<i>don Giampietro</i>) 16:00 – 18:00 (<i>siur Degan</i>)
Sabeda Santa	08:00 - 10:00 (<i>don Giampietro</i>)
Festa de Pasca	08:00 - 08:35 (<i>siur Degan</i>) 16:30 - 17:30 (<i>siur Degan</i>)



Sacramënt dl Öl SANT: l'Seniorenclub inviëia düc i amarà y la jënt atëmpada a gnì en mertesc dl'Edema Santa, ai 15.04.2014 dales 14:00 te dljia por la Santa Mëssa y ala Zelebrazium dl Sacramënt dl Öl Sant.

“Na rösa por la vita”: en Pasca, do mëssa grana, sarà la uniun dles èles che vëne dan dljia röses por la “Krebshilfe”.

La cortina y la lovina: chëst ann unse albü veramënter na gran nuvera, mo al s'à mostré tan important ch'al é da mët averda a les lovines dl tet de dljia y ch'al é stè plü che dërt da tó demez les crusc por evité de gran dagns. N gran bel giulan a les families che à tut sö l'invit de tó demez les crusc y ségn indô da les mët sö por Pasca.

Pelegrinaje: le KVV dl Raiun de Puster inviëia vëdui, vëdues y persones sores a **“Madonna della Corona”** ai 26.04.2014. Le bus é dales 07:40 a San Laurënz. Le iade y la marëna costa 35 €, da paié ite präibel cun la prenotaziun cina ai 17.04.2014 a Hilda Sottara al nr. 0474/523133.